



repueti & fortiori: Quaestio philosophica
de scientia.

.054

Biblioteka Jagiellońska



stdr0000394

QVÆSTIO PHILOSOPHICA

De

SCIENTIA

Publicæ Disputationi
In Alma Academia Cracouensi

Permissu

MAGNIFICI D. RECTORIS

A

M. FLORIANO LEPIECKI
Collegij Minoris Professore

PROPOSITA.

Anno Domini 1649, Die 19. Nouembris.

C R A C O V I A,

In Officina Typographica Martini Filipowiski.

Bz. 1.8.



QVÆSTIO.

VTrum Præter alios habitus intellectuales euidentes & ineuidentes detur habitus Scientiæ per demonstrationem acquisitus , illeq; tam Subalternans quam Subalter. natus , vnitatem vel diuersitatem per Obiecta in esse scibilis consi. derata accipiens , sitq; vnius simpli- cis qualitatis in ordine ad omnes su. as Conclusiones , necne?

53269



CONCLVSIONI.

Præter alios habitus intellectuales evidentes & in-evidentes datur Scientia.

C O R O L L A R I A.

I. Sapientia, Intellectus, Scientia: item Prudentia & Ars ordinant intellectum solum circa verum Speculativum aut Practicum. Opinio vero, Fides humana, Suspicio, habent se ad verum & falsum.

II. Primi tres habitus important rectitudinem cognitionis circa necessaria; Scientia quidem circa Conclusiones, Intellectus circa principia, Sapientia circa causas altissimas. Postiores duo circa contingentia; Prudentia quidem dirigit agibilia, ars factibilia.

III. Tam Opinio, quam Fides, et Suspicio, sunt assensus alicuius rei, vel ob medium probabile, vel ob auctoritatem dicentis, vel propter leue aliquod signum; sed cum essentiali obscuritatis & incertitudinis formidine sibi annexa.

IV. Intellectus non est ipsa potentia intellectiva, sed est habitus illi superadditus, partim naturalis, partim acquisitus, in specie infima pro omnibus scientiis speculatiuis tam uniuersalibus quam particularibus sufficiens.

V. Scientia & Opinio, siue pro actibus siue pro habitibus accepta, intrinsecè repugnant de eadem re simul esse in eodem intellectu.

CONCLVSION II.

Scientia est habitus per Demonstrationem acquisitus.

C O R O L L A R I A.

I. Non mediocriter errauit Plato afferens: Scientias à principio animæ humanae esse infusas, nihilq; de novo sciri, sed nostrum scire solum esse quoddam reminisci.

II. Porro actualem scientiam i. Poster: cap: 2 probè definiuit Aristoteles, dum inquit: Scire est cognoscere causam, ob quam res est, illius causam esse, & fieri non posse, ut aliter se res habeat.

III. Quemadmodum Demonstrationem, Propter Quid, & Quia, conuenire vniuocè ex parte certitudinis & evidentiae in ratione Demonstrationis afferimus: ita etiam utramq; hanc Demonstrationem simpliciter causare veram & perfectam scientiam tenemus.

IV. Non negamus tamen, Demonstrationem. Quia ex parte obiecti, cuius An est non Quid est attingit, imperfecte attingere rationem Scientie.

V. Quæ

V. Que tamen Demonstratio sic considerata potest reduci ad eandem speciem scientiæ Propter quid, non absolute quidem, sed dispositiue.

CONCLVSION III.

Inter scientias aliquæ sunt Subalternantes, aliquæ Subalternatæ.

C O R O L L A R I A.

I. Vera & propriissima scientiarum subalternatio non est ratione finis, vel principiorum tantum, sed est ratione subiecti, dum scilicet inferior scientia addit differentiam accidentalem, non essentialem, nec propriam passionem.

II. Hac tamen addita differentia non quæcunq; sed talis esse deberet, ut ex coniunctione ad obiectum superioris scientiæ habeat speciales passiones in sui manifestatione à principiis subiecti superioris scientiæ dependentes.

III. Licet subalternata scientia habeat pro subiecto aliquid contractum differentiâ accidentalí, non tamen habet pro Obiecto Ens per accidens, sed unum per se.

IV. Scientia subalternata est verè & essentialiter scientia, idemq; habitus specificus, tam in eo qui habet, quam qui non habet subalternantem.

V. In

V. In absentia tamen subalternantis habebit statum imper-
fectum scientiae ex parte subiecti subalternata, quamdiu de fa-
cto non coniungatur subalternanti.

CONCLVSIO JV.

VNITATEM vel diuersitatēm per Obiecta in esse sci-
bilis considerata accipiunt Scientiarū.

C O R O L L A R I A .

I. Ab Entitate Obiecti materiali, specifica aut generica
distinctio aut unitas scientiae nullā ratione haberri potest.

II. Neq; ex sola unitate subiecti principalis, quatenus ve-
ritates partiales ab illo dependent, ad illudq; ordinantur, uni-
tas vel distinctio scientiae est petenda.

III. Unitas vel diuersitas scientiarum generica à triplici
illa scilicet à materia singulari, sensibili, & intelligibili abstra-
ctione sumi debet.

IV. Unitas vero vel distinctio specifica principiorum for-
malium intra idem genus scibilis seu intra eandem abstractio-
nem receptorum unitatem vel diuersitatem in specie atomas ci-
entiarum constituunt.

V. In scientiis tamen mediis inter Mathematicas & Na-
turales

*turales: v. g. Musica, Perspectiva, Astrologia &c. unitas
aut distinctio specifica sumenda est ex principiis, quae sunt pri-
ma intra abstractionem propriam ipsorum principiorum.*

CONCLUSIO V.

Scientia totalis est vna simplex qualitas in ordine
ad omnes Conclusiones talis scientiae.

C O R O L L A R I A.

I. Actus seu demonstrationes ab habitu scientiae ordinatae procedentes, licet res diuersas specie in esse rei attingant, vnam tantum entitate, non ordinatione scientiam constituunt.

II. Nec quidquam prohibet, scientiam esse simplicem habitum, et si tendat sub diuersis motiuis siue mediis ad diuersas veritates Conclusiones demonstrandas.

III. Certum quoq; est, secundam vel tertiam Demonstrationem non producere nouum habitum scientiae entitatiuē, sed tantum præexistentem reddere perfectiorem.

IV. Perfectio hæc non fit per additionem intrinsecam formæ ad formam, sed per extrinsecam, id est per nouam applicationem formæ ad materiam sibi subiectam.

V. Inde quoq; sit, quod generato habitu erroneo circa secundam vel tertiam Conclusionem, non destruitur habitus scientiae absolute, sed respectiue, quatenus proxime in actu inclinabat ad illas Conclusiones.

V. O. I. S. T. V. O. O.

Sub Felicibus Auspiciis

Magnifici & Admodum Rudi Domini

D. STANISLA ROZYCKI

I. V. Doctoris & Professoris, Ecclesiæ Collegiatæ

SS. Omnia Crac: Cancellarij,

Almæ Vniuersitatis Cracoviensis

RECTORIS VIGILANTISSIMI



xxvi. 87. 17.



